

ურთიერთთანამშრომლობის მემორანდუმი

ბოლნისის მუნიციპალიტეტსა

და

**საქართველოს ადგილობრივ თვითმმართველობათა ეროვნულ
ასოციაციას შორის**

ბოლნისის მუნიციპალიტეტში

***მუნიციპალური სოციალური სერვისების მონაწილეობითი დაგეგმვის
მიდგომის დანერგვის ხელშეწყობის მიზნით***

2023 წელი

შესავალი

ადგილობრივი თვითმმართველობა მნიშვნელოვან როლს ასრულებს მოსახლეობის სოციალური საჭიროებების დაკმაყოფილებაში, რისთვისაც მუნიციპალიტეტები შეიმუშავენ და ადგილობრივი ბიუჯეტიდან აფინანსებენ სოციალური დაცვისა და მხარდაჭერის მუნიციპალურ პროგრამებს. მნიშვნელოვანია, რომ მუნიციპალური სოციალური პროგრამები პასუხობდეს ადგილობრივი სამიზნე ჯგუფების საჭიროებებსა და ინტერესებს და ეფუძნებოდეს მონაწილეობითი დაგეგმვის პრინციპებს.

ევროკავშირის მიერ დაფინანსებული პროექტის “სოციალური დაცვის გაძლიერება საქართველოში” ფარგლებში, ჩეხეთის განვითარების სააგენტო საქართველოს ადგილობრივ თვითმმართველობათა ეროვნულ ასოციაციასთან თანამშრომლობით ახორციელებს ინიციატივას *„სოციალური სერვისების მონაწილეობითი დაგეგმვის დანერგვა საქართველოს სამ საპილოტე მუნიციპალიტეტში - ახალციხის, დუშეთის და ბოლნისის მუნიციპალიტეტებში“*.

პროექტის მიზანია ხელი შეუწყოს საპილოტე მუნიციპალიტეტებში სოციალური პროგრამების მონაწილეობითი დაგეგმვის მიდგომის დანერგვას. 9 თვიანი პროექტის განმავლობაში, პროექტის ექსპერტთა გუნდი იმუშავებს სამ შერჩეულ საპილოტე მუნიციპალიტეტთან, რათა დაეხმაროს მათ მუნიციპალური სოციალური პროგრამებისთვის სამიზნე ჯგუფების იდენტიფიცირებაში, საჭიროებების გამოვლენასა და ადგილობრივი თემის ჩართულობით პროგრამების დაგეგმვაში.

სამიზნე ჯგუფების საჭიროებათა კვლევისთვის საბაზისო მეთოდოლოგიად გამოყენებული იქნება UNICEF/NALAG ერთობლივი პროექტის ფარგლებში შემუშავებული „ბავშვის და ბავშვიანი ოჯახების საჭიროებათა კვლევის მეთოდოლოგია“ და „ბავშვებისა და ბავშვიანი ოჯახების საჭიროებაზე მორგებული მუნიციპალური სოციალური პროგრამების შემუშავების მეთოდოლოგია“, რომლებიც უკვე წარმატებით აპრობირებულია 10 საპილოტე მუნიციპალიტეტში, მათ შორის ახალციხისა და დუშეთის მუნიციპალიტეტებში. აღნიშნული მეთოდოლოგიები ეფუძნება მტკიცებულებაზე დამყარებული და მონაწილეობითი დაგეგმვის პრინციპებსა და მიდგომებს, რომლებიც დამკვიდრებულია EU წევრ ქვეყნებში. პროექტის საერთაშორისო კონსულტანტის და ადგილობრივი ექსპერტების მიერ ორივე მეთოდოლოგია ადაპტირდება იმდაგვარად, რომ საჭიროებათა კვლევის და პროგრამების შემუშავებისას უზრუნველყოფილი იყოს ყველა სამიზნე ჯგუფის დაფარვა.

პროექტის ფარგლებში ასევე დამატებით შემუშავდება მუნიციპალური სოციალური პროგრამების დაგეგმვის პროცესში ადგილობრივი მოსახლეობის მონაწილეობის ინსტრუმენტები, სამოქმედო ინსტრუქციები, საპილოტე მუნიციპალიტეტებში ადგილობრივ

სამუშაო ჯგუფებს ჩაუტარდება ტრენინგები და ადგილზე სწავლებები. მუნიციპალიტეტები ასევე მიიღებენ ინფორმაციას როგორც ადგილობრივი, ასევე საერთაშორისო საუკეთესო პრაქტიკების და გამოცდილების შესახებ.

წინამდებარე მემორანდუმი იდება შემდეგ მხარეებს შორის:

საქართველოს ადგილობრივ თვითმმართველობათა ეროვნული ასოციაცია (შემდგომში „ათეა“), წარმოდგენილი „ათეას“ აღმასრულებელი დირექტორის დავით მელუას სახით;

ბოლნისის მუნიციპალიტეტი, წარმოდგენილი მუნიციპალიტეტის მერის დავით შერაზადიშვილის სახით.

პრეამბულა

ჩვენ, ქვემოთ ხელმოწერი მხარეები

ვაღიარებთ რა, რომ ღირსეულ პირობებში ცხოვრებისა და განვითარების უფლება არის ადამიანის საყოველთაოდ აღიარებული უფლება,

ვაცნობიერებთ რა, რომ ადამიანის სოციალური უფლებების რეალიზებისთვის აუცილებელია სოციალური დაცვისა და მხარდაჭერის სისტემისა და სოციალური მომსახურების სფეროს განვითარება,

ვითვალისწინებთ რა, რომ სოციალურად და ეკონომიკურად მოწყვლადი პირები საჭიროებენ ადგილობრივი თვითმმართველობის განსაკუთრებულ მხარდაჭერას,

ვიზიარებთ რა, რომ მოქალაქეთა ჩართულობა და მონაწილეობითი ადგილობრივი დაგეგმვა წარმოადგენს თვითმმართველობის ეფექტურობას,

ვხელმძღვანელობთ რა, საქართველოს კონსტიტუციით, „ადამიანის უფლებათა საყოველთაოდ დეკლარაციით“, „ადგილობრივი თვითმმართველობის შესახებ“ ევროპული ქარტიითა და საქართველოს კანონმდებლობით აღიარებული პრინციპებით,

ვთანხმდებით შემდეგი სახის თანამშრომლობაზე:

მუხლი 1. მემორანდუმის მიზანი

1. მემორანდუმის მიზანია განსაზღვროს თანამშრომლობის ჩარჩო და ხელი შეუწყოს ხელმომწერი მხარეებს შორის თანამშრომლობას, ადგილობრივი თვითმმართველობის დონეზე სოციალური სერვისების მონაწილეობითი დაგეგმვის მიდგომის დანერგვის/განხორციელების პროცესში.

მუხლი 2. თანამშრომლობის სფეროები

მუნიციპალური სოციალური პროგრამების მონაწილეობითი დაგეგმვის გაუმჯობესების მიზნით, მემორანდუმის ხელმომწერი მხარეები თანამშრომლობენ შემდეგ საკითხებზე:

- 2.1. ადგილობრივ დონეზე სოციალური საჭიროებების კვლევის შეთანხმებული მეთოდოლოგიის და ინსტრუმენტების გამოყენებით სამიზნე ჯგუფების საჭიროებების კვლევის ჩატარება;
- 2.2. საჭიროებათა კვლევის მიგნებებზე დაფუძნებული სოციალური პროგრამების პაკეტის შემუშავება და განფასება;
- 2.3. ახალი მეთოდოლოგიური ინსტრუმენტების გამოყენებით სამიზნე ჯგუფებისა და ადგილობრივი მოსახლეობის მონაწილეობის უზრუნველყოფა სოციალური პროგრამების დაგეგმვის პროცესში, ცნობიერების ამაღლების და საინფორმაციო კამპანიის წარმოება.

მუხლი 3. მხარეთა უფლება-მოვალეობები

წინამდებარე მემორანდუმით ხელმომწერი მხარეები გამოხატავენ მზაობას:

3.1. „ათეა“ გამოხატავს მზაობას რომ:

- 3.1.1. უზრუნველყოფს საექსპერტო და მეთოდურ დახმარებას საჭიროებათა კვლევის შეუშავებული მეთოდოლოგიისა და ინსტრუმენტების გამოყენებით მუნიციპალიტეტში საჭიროებათა კვლევის ჩატარების ყველა ეტაპზე;
- 3.1.2. უზრუნველყოფს საექსპერტო და მეთოდურ დახმარებას კვლევის შედეგად გამოვლენილ საჭიროებებზე ორიენტირებული მუნიციპალური სოციალური პროგრამების შემუშავებასა და განფასებაში;
- 3.1.3. უზრუნველყოფს საექსპერტო და მეთოდურ დახმარებას მუნიციპალური სოციალური პროგრამების მონაწილეობითი დაგეგმვის დანერგვაში;
- 3.1.4. ხელს შეუწყობს მუნიციპალიტეტებს შორის საუკეთესო პრაქტიკის გამოვლენას და გამოცდილების გაზიარებას;

3.1.5. ჩაატარებს მუნიციპალიტეტის თანამშრომლობისთვის საწვრთნელ, კვალიფიკაციის ამაღლების და წარმატებული გამოცდილების გაცნობის ღონისძიებებს, ამ მემორანდუმის 3.1.1. 3.1.2. 3.1.3. მუხლებში ჩამოთვლილ საკითხებზე;

3.2. მემორანდუმის ხელმოწერი მუნიციპალიტეტი გამოხატავს მზაობას რომ :

3.2.1. მუნიციპალური სოციალური პროგრამების მონაწილეობითი დაგეგმვისას (მ.შ.: საჭიროებათა კვლევის, პროგრამების დაგეგმვის და განფასების, პროცესში მოქალაქეთა ჩართულობისას) გამოყენებული იქნება „ათეას“ მიერ შემუშავებული მეთოდოლოგიური დოკუმენტები და ინსტრუმენტები;

3.2.2. გამოყოფს საკონტაქტო პირს, ვინც უზრუნველყოფს კომუნიკაციას „ათეა“-სთან, ამ მემორანდუმით განსაზღვრულ სფეროებში თანამშრომლობის ხელშეწყობის მიზნით;

3.2.3. კომპეტენციის შესაბამისად მიაწვდის „ათეა“-ს მუნიციპალიტეტში არსებულ ანალიტიკურ/სტატისტიკურ ინფორმაციას, რაც აუცილებელია ამ მემორანდუმის 3.1.1. 3.1.2. 3.1.3. მუხლებში ჩამოთვლილ სფეროებში პროექტით დაგეგმილი საქმიანობის განსახორციელებლად;

3.2.4. წინამდებარე მემორანდუმის მიზნების მისაღწევად შემქნის სამუშაო ჯგუფს/ჯგუფებს, სოციალური პროგრამირების სრული ციკლის (მ.შ. საჭიროებათა კვლევა, პროგრამების მონაწილეობითი დაგეგმვა) საპილოტე რეჟიმში დანერგვისთვის;

3.2.5. უზრუნველყოფს მუნიციპალიტეტის შესაბამისი თანამშრომლების დასწრებას „ათეას“ მიერ მუნიციპალიტეტების თანამშრომლებისთვის ჩატარებულ ტრენინგებსა და საკონსულტაციო შეხვედრებზე;

3.2.5. ხელს შეუწყობს და, საჭიროების შემთხვევაში, მიიღებს მონაწილეობას პროექტის ღონისძიებებში, შესაბამისი რეკომენდაციებისა და ანგარიშების მომზადებაში;

3.3 მხარეები თანხმდებიან, რომ:

3.3.1. უზრუნველყოფენ ამ მემორანდუმის პირობების შესრულებას მაქსიმალური კოორდინაციისა და თანამშრომლობის გზით;

3.3.2. პროექტის წარმატების უზრუნველსაყოფად, კეთილსინდისიერად და პასუხისმგებლობით განახორციელებენ ამ მემორანდუმით შეთანხმებულ მოქმედებებს, რეგულარული ჩართულობის და აქტიური კომუნიკაციის მეშვეობით.

მუხლი 4. შეთანხმების მოქმედების ვადა, ცვლილებების შეტანა და შეწყვეტა

- 4.1. იმ ღონისძიებებისა და სხვა სახის ერთობლივი აქტივობების საკითხები, რომლებიც არ არის ასახული მემორანდუმში, მაგრამ გამომდინარეობს მემორანდუმის მიზნებიდან, რეგულირდება მხარეთა შორის მოლაპარაკებების გზით;
- 4.2. მემორანდუმში ცვლილებების შეტანა შესაძლებელია მხარეთა თანხმობით, წერილობითი ფორმით;
- 4.3. მემორანდუმი ძალაში შედის ორივე მხარის მიერ მისი ხელმოწერის დღიდან და მოქმედებს 2023 წლის დეკემბრის ჩათვლით.

მხარეთა ხელმოწერები:

საქართველოს


თვითმმართველობათა


ასოციაცია

ადგილობრივ

ეროვნული

ბოლნისის მუნიციპალიტეტი


დავით ჩელუა
“ათეა“-ს აღმასრულებელი
დირექტორი


დავით შურაშვილი
ბოლნისის მუნიციპალიტეტის მერი